



Broj: 16-12-16-7068- 8 /23  
I. Sarajevo, 11. 10. 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tačka e) i člana 70. st. (1), (2), (4) i (6) Zakona o javnim nabavkama ("Službeni glasnik BiH", br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-7068/23 od 10.10.2023. godine, u postupku javne nabavke internet usluga za potrebe Državne agencije za istrage i zaštitu, direktor Državne agencije za istrage i zaštitu, d o n o s i

## **ODLUKU**

o poništenju postupka javne nabavke za LOT 2

### Član 1.

U postupku javne nabavke internet usluga za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-7068/23 od 10.10.2023. godine, poništava se postupak javne nabavke za LOT 2 - Nabavka internet usluga u Regionalnoj kancelariji Banja Luka putem fizičke linije, iz razloga što je cijena iz ponude ponuđača „Blicnet d.o.o. Banja Luka“ znatno veća od osiguranih sredstava za predmetnu nabavku.

### Član 2.

Ova odluka objavit će se na web stranici Agencije, s istovremeno s upućivanjem ponuđačima koji su učestvovali u postupku javne nabavke.

### Član 3.

Ova odluka stupa na snagu danom donošenja.

## **O b r a z l o ž e n j e**

Odlukom broj 16-12-16-7068-1/23 od 31.08.2023. godine pokrenut je postupak javne nabavke internet usluga za potrebe Agencije, procijenjene vrijednosti 55.200,00 KM bez uračunatog PDV-a, za koji je obavještenje o javnoj nabavci broj 1161-1-2-184-3-49/23 od 07.09.2023. godine objavljeno na Portalu javnih nabavki i u „Službenom glasniku BiH“, broj 63/23 od 15.09.2023. godine. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na lotove:

- LOT 1 - Nabavka internet usluga u sjedištu Agencije u Istočnom Sarajevu putem fizičke linije, procijenjene vrijednosti 51.840,00 KM;

- LOT 2 - Nabavka internet usluga u Regionalnoj kancelariji Banja Luka putem fizičke linije, procijenjene vrijednosti 840,00 KM;
- LOT 3 - Nabavka internet usluga u Regionalnoj kancelariji Mostar putem fizičke linije, procijenjene vrijednosti 1.200,00 KM;
- LOT 4 - Nabavka internet usluga u Regionalnoj kancelariji Tuzla putem fizičke linije, procijenjene vrijednosti 1.320,00 KM.

Obzirom da je tačkom 24. Tenderske dokumentacije navedeno da je rok za dostavljanje ponuda 02.10.2023. godine do 12,00 sati, te da se ponude dostavljaju u zatvorenoj kovrti, Komisija je dana 02.10.2023. godine u 13,00 sati izvršila javno otvaranje ponuda prema datumu i vremenu prijema, numerišući kovrte. Javnom otvaranju ponuda prisustvovala je ovlaštena predstavnica ponuđača „Mtel a.d. Banja Luka”

Blagovremeno su dostavljene ukupno tri ponude i to:

R/B	Naziv ponuđača	LOT	Ponuđena cijena bez uračunatog PDV-a
1.	„Blicnet d.o.o. Banja Luka“	LOT 2	1.080,00 KM
2.	„Telemach BH d.o.o. Sarajevo”	LOT 3	1.200,00 KM
		LOT 4	1.320,00 KM
3.	„Mtel a.d. Banja Luka”	LOT 1	51.840,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da je ponuda ponuđača „Blicnet d.o.o. Banja Luka“ za LOT 2 neprihvatljiva, iz razloga što je cijena iz ponuda ponuđača „Blicnet d.o.o. Banja Luka“ znatno veća od osiguranih sredstava za predmetnu nabavku. Naime, uvidom u ponudu ponuđača „Blicnet d.o.o. Banja Luka“, utvrđeno je da ista iznosi 1.080,00 KM bez uračunatog PDV-a, a da procijenjena vrijednost javne nabavke za LOT 2 iznosi 840,00 KM bez uračunatog PDV-a).

Imajući u vidu naprijed navedeno, Komisija ponudu ponuđača „Blicnet d.o.o. Banja Luka“ za LOT 2 nije uzela u dalje razmatranje.

Cijeneći naprijed navedeno, prihvaćena je preporuka iz Izvještaja o radu Komisije, te odlučeno da se postupak javne nabavke za LOT 2 poništi u skladu sa odredbom člana 69. stav (2) tačka e) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.



DIREKTOR

GLAVNI GENERALNI INSPEKTOR POLICIJE

Darko Čulum